

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Andreae Alciati Emblemata

Alciati, Andrea

Patavii, 1661

Gratiam referendam. Emblema XXX.

[urn:nbn:de:bsz:31-127360](https://nbn-resolving.org/urn:nbn:de:bsz:31-127360)

Gratiam referendam.

EMBLEMA XXX.



ÆRIO insignis pietate ciconia nido,
 Inuestes pullos, pignora grata fouet.
 Taliaq; expectat sibi munera mutua reddi,
 Auxilio hoc quoties mater egebit anus.
 Nec pia spem soboles fallit, sed fessa parentum
 Corpora fert humeris, præstat & ore cibos.

COMMENTARII.

1. **I**N summitate recti, turricula eminente depictus est nidus ciconiarum, ubi cubantes ciconiæ ab altera sui generis aduolante, eburnq; rostro ferente nutriuntur. & obsequium ciconiarum erga suos senio confectos parentes, satis profecto liberos nostros beneuolos parentibus atque obseruantissimos efficere potest, modo mentem adhibere velint. Nemo enim profus est, qui naturæ sensu prudentiaq; sic destituatur, vt non mediocri pudore eum existimet dignum, quisquis quod ad virtutem atti-

attinet, fuit se ab alicibus istis, nulla rectæ rationis vi præditis, deprehendi inferiorem. Illæ genitorem per senium defluxu penarum degreuescentem suismer pennis circumdatum fouent, & abundè victum, lauteq; subministrantes subsidium etiam ei, quoad fieri potest, in ipso volatu præstant, sensim utrinq; suis eum subleuantis alis. Idq; adeo vulgatum est, adeoq; notum, vt quidam harum ipsarum alitum nomine vicariam gratiæ dictionem appellent *ἐν τιτε λαρωσι*. Hactenus Basilius. Orus autem Apollo sic: Parentis amatorem significare volentes Ægyptij, ciconiam pingunt. Hæc enim à parentibus enutrita, non separatur ab illis, verùm ad vltimam vsq; senectam permanens, parentibus victum sufficit. Idem in libro priore de cucupha in hunc modum scribit: Gracitudinem scribentes cucupham auem pingunt. Sola enim hæc cæterorum animalium parentibus iam senio cōfectis gratiam refert: In quo enim loco ab eis nutrita est, nidum illis conficit, ac pennas vellit, cibumq; sufficit, quousq; renatis pennis per seipsum iam parentes cibum parare possint. Vnde diuina scæptera cucupha insigniunt. Hæc ille. Cucupha auis quæ fuerit, siquis scire desiderat, à Pignortio inuitatur ad Mésam Isiacam, ad quam ille commentarium scripsit. Non est utiq; cicuma, quæ videtur esse nycticorax, vt apud Antonium Libera Iem. Extat in Chiliadibus elegantissimum prouerbium, *ἐν τιτε λαρωσι*, vbi pulchra leguntur ex Homero, Euripide, Aristophane, Plinio, cæterisq;. Addam nihilominus quod Aristoteles de ciconia scriptum reliquit lib. 9. de nat. animal. Ciconias, inquit, genitorum senectutem inuicem educare vulgatum est. Sed sunt, qui merops quodque idem facere confiment, vicemq; reddi, vt parentes non modò senescentes, verum etiam statim, cum iam datur facultas, alantur opera liberorum, nec patrem, aut matrem exire, sed in cubili manentes pasci labore eorum, quos ipsi genuerunt, enutrierunt, educarunt. Sic ille. De hoc argumento nonnulla etiam ex Platone 1. Alibiad. petas licet. Plin. 10. cap. 23. & Val. Max. lib. 5. cap. 4. Athengo, Homero Iliad. 4. Ifidoro lib. de nat. auium, item 12. etymologiar. cap. 7. Aristophane in auibus, Æl. ano lib. 15. c. 4. & alijs.

cum *μετωνομικῶς*, vt apud Virgil. 1. ecloga: Nec gemere aëria cessabit turtur ab olmo & 3. Palumbes eadē ratione dicuntur aërie. *Insignis pietate*] Petronius Arbiter: *Ciconia etiam gratia, peregrina hospita, Pietati cultrix, gracilipes, crotaliferia, Auis exul hyemis, vitulus tepidi temporis.* Hinc in nummis Adriani sculpta est ciconia cum inscriptione, PIETAS AVGVSTIA. Reges enim antiquitus summo in scepro Ciconiæ gestabant effigiem, in imo Hippopotami, ait Suidas: vt admoneretur, pietatem plurimi esse faciendam, sequitiam & crudelitatem cohibendam atq; comprimendam. Crinit. lib. 4. cap. 13. Non patitur autem ciconia nos vltra progredi, priusquam Ioannis Mallaræ, cuius Hispalensis, Sanctio amicissimi, carmen apponamus, in quo ciconiæ pietas extollitur. Id est huiusmodi: *Qui legis Ænea pietatem in fata parentis, Cuiq; humeris olim dulce reserret onus: Laudas antiquos fratres, exarsit igne Ch grauis Ænea, suos qui ovipere patres. Miraris quando Iunonis templa sacerdos Ascendit, gnatis veçta duobus annis: Non animum extollis cum parua ciconia nidis, A quibus alta fuit, conuabit ore dapos? Nonne tua ardens exurit flamma medullas, Antipelargias cum pia facta vides? Qua ratione carent, sunt nostro exemplum labori, Vt discat grates reddere, parq; pari. Elogium hoc, insignis pietate, Æneæ suo Poeta princeps initio 1. Æneid. tribuit, quod repetitur ab hoc nostro in Emblemate, cuius inscriptio, *Pietas in filiorum parentes*. Verbum, pietatis (quod obiter inde dictum, quod quæ in ea simul, quasi penitus, & in penetralibus recondantur. Tullius vsurpat id vocabulum sæpe, sed maximè ad Lentulum, per quem fuerat ab exilio reuocatus. Sic enim 1. epistol. initio: Ego omni officio, ac potius pietate satisfacio omnibus, &c. Idem epistol. 9. lib. 1. eiusdem: Pericundæ mihi tuæ litteræ, quibus intellexi te peripere meam in te pietatem: quid enim dicam beneuolentiam, cum illud ipsum grauiusimum, & sanctissimū nomen pietatis leuius mihi videatur? Ciconia] Fuit ciconia (vt ad fabulas nos conuertamus) antea pulcherrima puella*

Nummis Adriani

Epigramma de pietate ciconiarum

Pietas vni de dicta

Fabula de ciconia Troa

Cucupha gratitudinis symbolum.

Cucupha auis.

II. AERIO nido] alto, ex subiecto adiun-

Troiana, nomine Antigone, Laomedontis filia, quae cum se iactaret formae pulchritudine Iunonem superare, à Iunone in ciconiam conuersa fuit. De qua Ouidius 6. Metamorph.

Pinxit & Antigonem ausam contendere quondam

Cum magni cōsorte Iouis: quam regia Iuno In volucrem vertit, nec profuit Ilion illi, Laomedante pater, sumptis quin candida pennis,

Ipsa sibi plaudat crepitante ciconia vestro.

Virgilius explicat.

Huc allusisse crederem Virgilium in illis verbis, *spretaq; iniuria forma*. neque exponendum ibi, *que*, pro id est, vt aliqui putāt, qui omnia simul coniungunt, videlicet iudicium Paridis, *spretae iniuria forma*. Sed hoc curiosus lector diiudicet. De ciconia Nofcopulus *περὶ θροῶν . πέλαιρος ζῶον, ἀφ' ἧ ἀντιπελαργώσεως, ἐπὶ τῶν ἰπείσα μινων γάρβιν, ἰφ' ἂν εὐέπαθον, κ' ἀντιδιδόντων. διὰ τὴν τῶν πελαργῶν πρὸς τὸς ἰαυτῶν πατῆρας ὄτε γηράσκουσι, κη δ' ἐμονίαν κ' ἀντίδοσιν τῆς γεννήσεως αὐτῶν κ' ἀνατροφῆς.*

Inuestis.

Inuestis.] Impubes, & quibus propter teneram aetatem nulla pars corporis pilat, ait Nonius. de hoc verbo multa doctè Fornerius Selection. 1. cap. 29.

Pullos pignora.] Appositio. Liberi inter vitum & uxorem tanquam vinculi & charitatis mutuae habentur pignora. Ouid. 3. Fastorum:

Liberi pignora.

Inque sinu natos pignora chara tenent. Sic Nouella Valentini de libertis: Itaq; libertus, qui ciuis Romani priuilegium fuerit consequutus, siue vnicum pignus, siue plures cuiuslibet sexus habeat filios, cum mori cœperit, soboli suae omnes proprias si maluerit facultates supremo securus dimittat auitrio. Claudia. 1. De rapto Proserpinae, vbi Pluto queritur se priuari spe sobolis:

Asi ego deserta marens inglorius aula Implacidas nullo solabor pignore curas? Et paulò post de Cerere: *Comèdat Siculis furtim sua pignora terris,* Idem 3. eiusd. operis:

--- reuocat tandem custodia chari

Pignoris. ---

Taliq; expectat &c.] Sibi vicem repensum iri sperat, cum fuerit affecta aetate, & alieno opus habuerit subsidio.

Nec pia spem &c.] nec pulli educati pa-

tiuntur parentum spem esse inanem, sed ijs subueniunt cibando, gestando & fouendo, hinc praelara verba *γηροβοσκῆν, γηροτροφῆν, γηροκομῆν.*

OMNIBVS ijs, qui humanitatis iura colunt, ab ipsa omnium magistra natura persuasum debet esse quantum parentibus debeant, nisi tamen omnem humanitatem sibi detrahi patiantur. Siquidem non homines modò arcano aliquo sensu pietatis in parentes, sed & animantium quaedam, à quibus abest ratio, admonentur. Ciconiae enim, vt est apud Solin. cap. 43. Polyhist. quantum temporis impenderint factibus educandis, tantum & ipsae à pullis suis inuicem aluntur. Itaq; haec & pietatis, & grati animi symbola gerūt, vt videre est apud Pierium lib. 17. Hieroglyph. Pudeat nos hac in re inferiores, aut etiam deteriores auiibus esse. Atqui par est eo lubentius & alacrius naturae nos reddere quod accepimus, nimirum vitam eorum conseruare tutariq; , qui nobis auctores vitae fuerunt: & quo nobilior est nostra conditio, eo affectus debet esse paratior ad humane vitae officia obeunda, & pietatem omnem exercendam. Nobis enim aetate iam affectis, & imbecillioribus factis, itidem liberi facient, eamq; rependent pietatem, quam primum in parentes exhibuerimus. Nec verò est quòd pluribus has naturae leges commonstremus, quandoquidem omnes norint, post tria illa, quae ad diuinum cultum spectant praecepta, primum rerum humanarum decretum esse, vt parentes ipsos in honore habeamus: cui & spem certumq; praeemium vitae longioris adiecit supremus ille legis auctor Deus, ad excitandam hominum tarditatem. Hesiodus huc alludens, 1. *ἔργων*, seculum impium describit ab effectis hominum sceleratorum, qui probro contumeliaq; afficient parentes, eosque senio affectos non sustentabunt. *Iupiter*, inquit, *perdet hoc genus hominum*, Ζεὺς ὀλέσει κ' τοῦτο γένος ἀνδρῶτων οἱ γηράσκοντας ἀτιμῆσουσι τοκῆας, μίμνονται δ' ἀρα γὰρ χαλεποῖς ἐάζοντ' ἰπείσει *ἄγριοι, οὐδ' εἰ θεῶν ὅτιν εἰδότες, οὐδ' ἂν μὲν οἷγε γηρῶν τεσσάρων ἀπὸ θρεπῆναι δόξεν χειροδίαμα.*

Et hodie quoq; multi sunt, qui non ingratitude solum, quod est maximum omnium

IV. Parentibus quantum debeamus.

Locu...
altru...
Cassid...
si,

Parentum violatores

nium vitorum, vt inquit Fabius, nomen illud sacrum violare non verentur; sed etiā pugnis & verberibus in progenitores suos seuire non erubescunt; quibus tamen iusto Dei iudicio & lege talionis, propr. j. liberi rependunt vices. Hinc quidam, cū à filio raptaretur, cum ad ianuam perductus foret, ait: *παύειδάμ' ἐκελευέ, ἢ γὰρ δύ- τ' ὅς ἰκλύδατ' ἃν πατέρα μίχης ἐν ταύ- τα.* id est: *Desine filii, nam & ego patrem haerens.* Alius se excusans, cur patrem verberasset: Et ipse, inquit, patrem suum verberauit, & ille rursus suum, quin & filium ostendens: Et hic, ait, vbi in virū euaserit, me quoq; flagris cederet: hoc enim gen- tile nobis est. Quis autem feret, si filium patri causam necis praestitisse audiat? Por- tentum atq; monstrum est certissimum, esse aliquem humana specie & figura, qui tanquā immanitate bestias vicerit, vt pro- pter quos hanc suauissimam lucem aspe- xerit eos indignissimè luce priuarit. Sed vbi est illa naturæ vis (ait Cassiodor. variat. epist. 14. lib. 2.) quæ amplexu copulæ de- stinatur ad posteros? ferarū catuli sequun- tur parentes, à cespite suo virgulta non dis- crepant, propago vitis propriae seruit ori- gin; & discrepat homo à suo fusus initio? Quid dicamus illa beneficia, quæ vel ex- traneam personam possunt obligare? Nutriuntur à paruulis: ipsis laboratur: ipsis diuitiæ cōquiruntur: & cū sibi vnusquis- que credat abundare quod possidet, cū à patribus adhuc queritur, pro altera potius ætate peccatur. Proh dolor? non merebi- mus eorum affectum, pro quibus subire non recusamus exitium? Maria ipsa læuis tempestatibus excitata genitoris cura non refugit, vt peregrinis mercibus acquirat, quod propriae soboli relinquat. Aues ipsæ, quarum vita semper in escis est, naturam suam extranea sorde non maculant. Cicero-

na, redeuntis anni iugiter nunciatrix, eij- ciens tristitiam hyemis, lætitiā verū tem- poris introducens, magnum tradit exem- plum pietatis. Nam cū patentes eorum pennas senio coquente laxauerint, nec ad proprios cibos quærendos idonei potue- rint inueniri, plenus suis genitorum mem- bra frigida resouentes, escis corpora lasa resciant, & donec in pristinum vigorem alis grandæua redierit, pia vicissitudine iu- uenes reddunt, quod à parentibus paruuli acceperunt. Ideoque non immeritò vita longa seruantur, qui pietatis officia non re- linquunt. Hactenus Cassiod. Hanc naturæ legem, quod plerumq; à sceleratis qui- budam naturæ monstris violaretur, iura ciuilia confirmant, vt lib. 5. Si quis à li- beris, ff. de liberis agnoscendis: & de aen- dis liberis ac parentib. C. vbi responsum hoc legitur Antonini Pij: PARENTVM NECESSITATIBVS LIBEROS SVCCVRRERE IVSTVM EST. ea tamen alimenta præstari debet pro mo- do facultatum: & si non præstentur, capitis pignoribus & distractis cogetur quis satis dare sententiæ. Solon vnus è septem sa- pientibus, siquis parentes non enutrisset, eam cæteri ignobilem statuit & obscuram. Nam vt Cicero quadam oratione scriptū reliquit, quum pietas sit virtutum funda- mentum, patrem filius vt Deum veteri de- bet & colere, neq; enim multò secus pa-rens liberis est. Quid autem potissimum ratione beneficij deuinctus filius, & planè auctoratus parentibus debeat, Aristoteles ita finit lib. 9. Moral. Videtur quoq; paren- tibus alimenta maximè suggerenda, veluti hoc debeamus, quūmq; vt simus ipsi argumentum præstiterint; honestius quo- que ea re illis mutuas operas reddere, quā nobis ipsis allaborare: honor item impen- dendus eis quemadmodum Deo.

Locus pra- clarus Cassiodo- ri,

Pietas virtutum funda- mentum.



Absti-